

《大智度論》卷 92

〈釋淨佛國¹土品²第八十二³〉⁴

（大正 25，705b18-709b12）

釋厚觀（2013.01.12）

【經】⁵

壹、以方便力故具足菩薩道，能得佛道、度眾生（承上卷 91〈81 釋照明品〉）

貳、明二種要行：成就眾生，淨佛國土（承上卷 91〈81 釋照明品〉）

（壹）略明（承上卷 91〈81 釋照明品〉）

（貳）廣明（承上卷 91〈81 釋照明品〉）

一、成就眾生（承上卷 91〈81 釋照明品〉）

（一）正明成就眾生（承上卷 91〈81 釋照明品〉）

（二）菩薩自住勝道，教眾生無住，共證菩提⁶

1、菩薩自住勝道

（1）明菩薩所行道

A、須菩提心念

爾時，須菩提作是念：「何等是菩薩摩訶薩道？菩薩住是道，能作如是大⁷莊嚴⁸？」

B、佛答

（A）生身菩薩所行

佛知須菩提心所念，告須菩提：「六波羅蜜是菩薩摩訶薩道，三十七助道法是菩薩摩訶薩道，十八空是菩薩摩訶薩道，八背捨⁹、九次第定是菩薩摩訶薩道，佛十力乃至十八不共法是菩薩摩訶薩道。」

¹ 〔佛國〕—【宋】【宮】。（大正 25，705d，n.15）

² 《大品經義疏》卷 10：「此下後文明淨佛土，故云〈淨土品〉。云初是成就眾生，二段明菩薩自住勝道，教眾生。」（正新續藏 24，335a7-8）

³ 二+（上）【宋】【元】【宮】，二+（之上）【明】。（大正 25，705d，n.16）

⁴ 「大智度論釋淨佛國土品第八十二卷第九十二」十九字=「大智度經品第八十二淨土品卷九十三」十六字【石】。（大正 25，705d，n.14）

⁵ 【經】—【宋】【宮】。（大正 25，705d，n.17）

⁶ 《大品經義疏》卷 10：「今自^{*1}菩薩共證菩薩^{*2}，就文為四：第一明菩薩自住勝道，二者化眾生令因菩薩住勝道，三者令眾生傳化，四眾生令悟共證菩提。今是初。」（正新續藏 24，335a8-11）
※1「自」，一作「時」。（正新續藏 24，335d，n.4）
※2「薩」疑「提」。（正新續藏 24，335d，n.5）

⁷ 大+（誓）【宋】【元】【明】【宮】。（大正 25，705d，n.18）

⁸ 參見《大智度論》卷 45〈15 大莊嚴品〉：

問曰：「云何名大莊嚴？」

答曰：「為度眾生故、為阿耨多羅三藐三菩提故，行諸善福功德者；略說是六波羅蜜。如富樓那次第說：『若菩薩為一切智慧故行檀波羅蜜，是福德共一切眾生。』『共』者，此布施福德，我及眾生共等，我以此迴向阿耨多羅三藐三菩提。」（大正 25，387b14-20）

⁹ 參見《大智度論》卷 21〈1 序品〉（大正 25，215a7-21）、卷 44〈12 句義品〉（大正 25，381b5-23）、卷 81〈68 六度相攝品〉（大正 25，628a9-16），《大毘婆沙論》卷 84（大正 27，434b15-23）。

(B) 法身菩薩所行

一切法亦是菩薩摩訶薩道。(705c)

須菩提！於汝意云何？頗¹⁰有法菩薩所不學能得阿耨多羅三藐三菩提不？須菩提！無有法菩薩所不應學者。

何以故？菩薩不學一切法，不能得一切種智。」

(2) 菩薩住空無戲論道，為眾生故分別諸法**A、須菩提問**

須菩提白佛言：「世尊！若一切法空，云何言『菩薩學一切法』？將無世尊無戲論中作戲論耶？所謂是此、是彼，是世間法、是出世間法，是有漏法¹¹、是無漏法，是有為法、是無為法，是凡夫人法、是阿羅漢法、是¹²辟支佛法、是佛法！」¹³

B、佛答**(A) 述成：以諸法空故，能得無上道**

佛告須菩提：「如是！如是！一切法實空。」

須菩提！若一切法不空者¹⁴，菩薩摩訶薩不能¹⁵得阿耨多羅三藐三菩提。」

須菩提！今一切法實空故，菩薩摩訶薩能得阿耨多羅三藐三菩提。¹⁶

(B) 釋義：眾生不知空故，菩薩巧為說

須菩提！如汝所言，若一切法空，將無佛於無戲論中作戲論：分別此彼，是世間法、是出世間法，乃至是佛法？

須菩提！若世間眾生知一切法空，菩薩摩訶薩不學一切法、得一切種智。」

須菩提！今眾生實不知一切法空，以是故，菩薩摩訶薩得阿耨多羅三藐三菩提已，分別諸法為眾生說。」

2、菩薩照明勝妙道**(1) 由因緣和合，有名字諸法**

須菩提！於是菩薩道，從初已來，¹⁷應如是思惟：『一切諸法中定性不可得，但從

¹⁰ 頗(ㄉㄛ): 13.與“不”、“無”、“否”等配合，表示疑問。(《漢語大詞典》(十二), p.286)

¹¹ [法] – [宋][宮]*[*123]。(大正 25, 705d, n.19)

¹² [是] – [宋][宮]。(大正 25, 705d, n.20)

¹³ 《大般若波羅蜜多經》卷 476 〈80 道土品〉：

具壽善現復白佛言：「若一切法皆自性空，云何菩薩摩訶薩於何處學？若有所學，將無世尊於無戲論而作戲論，謂有諸法是此、是彼，由是、為是；此是世間，此是出世；此是有漏，此是無漏；此是有為，此是無為；此是異生法，此是預流法，此是一來法，此是不還法，此是阿羅漢法，此是獨覺法，此是菩薩法，此是如來法？」(大正 7, 409c24-410a3)

¹⁴ 者+ (是)[石]。(大正 25, 705d, n.21)

¹⁵ [能] – [宋][元][明][宮]。(大正 25, 705d, n.22)

¹⁶ 《大般若波羅蜜多經》卷 476 〈80 道土品〉：「善現！若諸有情知一切法皆自性空，則諸菩薩摩訶薩不應學一切法，證得一切智智，為諸有情建立宣說。以諸有情不知諸法皆自性空故，諸菩薩摩訶薩定應學一切法，證得一切智智，為諸有情建立宣說。」(大正 7, 410a10-15)

¹⁷ 《大品經義疏》卷 10 :

「於是菩薩道，從初已來」，第二、明菩薩見住勝道今教眾生。(正新續藏 24, 335b10-11)

和合因緣起法故有名字諸法。¹⁸

(2) 明諸法性空無所著

我當思惟諸法實性無所著——若六波羅蜜性、若三十七助道法、若須陀洹果乃至阿羅漢果、若辟支佛道、若阿耨多羅三藐三菩提。

何以故？一切法¹⁹、一切法性空，空不著空，空亦不可得，何況空中有著！』²⁰

3、悲濟眾生無住著

(1) 學一切法，觀眾生心行

須菩提！菩薩摩訶薩如是思惟，²¹不著一切法而學一切法。

住是學中，觀眾生心行——是眾生心在何處行？知眾生虛妄不實中行。

是時，菩薩作（706a）是念：『是眾生著不實虛妄法，易度耳²²！』²³

(2) 教化眾生莫執著，自亦無住著

A、方便示導眾生行菩薩道亦莫執著

是時，菩薩摩訶薩住般若波羅蜜時²⁴，以方便力故，如是教化言：『汝諸眾生！當行布施，可得饒財²⁵，亦莫恃²⁶布施果報²⁷而自高²⁸。何以故？是中無堅實法。持戒、禪定、智慧，亦如是。諸眾生！行是法，可得須陀洹果乃至阿羅漢果、辟支佛道、佛道——莫念有是法！』如是教化，行菩薩道而無所著，是中無有堅實故。²⁹

¹⁸ 《大般若波羅蜜多經》卷 476 〈80 道土品〉：「善現當知！諸菩薩摩訶薩於菩薩道初修學時，應審觀察：諸法自性都不可得，唯有執著和合所作。」（大正 7，410a15-17）

¹⁹ 法+（空）【元】【明】。（大正 25，705d，n.23）

²⁰ 《大般若波羅蜜多經》卷 476 〈80 道土品〉：「所以者何？以一切法皆自性空，空性不應執著空性，空中空性尚不可得，況有空性能執著空！」（大正 7，410b12-14）

²¹ 《大品經義疏》卷 10：

「菩薩如是思惟」下，第三、明傳化自既了悟，更他未悟。（正新續藏 24，335b14-15）

²² 耳：10.語氣詞。表示肯定語氣或語句的停頓與結束。（《漢語大詞典》（八），p.646）

²³ 《大般若波羅蜜多經》卷 476 〈80 道土品〉：

善現！諸菩薩摩訶薩如是觀察一切法時，於諸法性雖無執著，而於諸法學無厭倦。是菩薩摩訶薩住此學中，觀諸有情心行差別，謂審觀察是諸有情心行何處？既觀察已，如實了知彼心但行虛妄所執。爾時，菩薩便作是念：「彼心既行虛妄所執，我令解脫必不為難。」（大正 7，410b14-20）

²⁴ 時=中【宋】【元】【明】【宮】【石】。（大正 25，706d，n.1）

²⁵ 饒財：多財；資財富足。（《漢語大詞典》（十二），p.578）

²⁶ 恃（戠）：1.依賴；憑藉。（《漢語大詞典》（七），p.511）

²⁷ [報]—【宋】【宮】。（大正 25，706d，n.2）

²⁸ 自高：2.自傲；抬高自己。（《漢語大詞典》（八），p.1324）

²⁹ 《大般若波羅蜜多經》卷 476 〈80 道土品〉：

是菩薩摩訶薩作是念已，安住般若波羅蜜多，方便善巧教誡教授諸有情言：「汝等今者皆應遠離虛妄所執，趣入正法修諸善行。」復作是言：「汝等今者應行布施，當得資具無所乏少，然勿恃此而生憍逸。所以者何？此中都無堅實事故。汝等今者應行淨戒、安忍、精進、靜慮、般若，當得種種功德具足，然勿恃此而生憍逸。所以者何？此中都無堅實事故。汝等今者應行內空乃至無性自性空，……應行預流果乃至獨覺菩提，應行一切菩薩摩訶薩行，應行諸佛無上正等菩提，應行諸餘無量佛法，然勿恃此而生憍逸。所以者何？此中都無堅實事故。」（大正 7，410b20-c11）

B、行道得果亦不住**(A) 正明**

若如是教化，是³⁰名行菩薩道，於諸法無所著故。何以故？一切法無所³¹著相，以性無故、性空故。³²

須菩提！是菩薩摩訶薩如是行菩薩道時，無所住。是菩薩用不住法故，行檀波羅蜜亦不住是中，行尸羅波羅蜜亦不住是中，行羼提波羅蜜亦不住是中，行毘梨耶波羅蜜亦不住是中，行禪波羅蜜亦不住是中，行般若波羅蜜亦不住是中。³³ 行初禪亦不住是中。何以故？是初禪初禪相空，行禪者亦空，所用法亦空；第二、第三、第四禪亦如是。慈悲喜捨、四無色定、八背捨、九次第定亦如是。得須陀洹果亦不住是中，得斯陀含果、阿那含果、阿羅漢果亦不住是中，得辟支佛道亦不住是中。³⁴」

(B) 釋不住因緣

須菩提白佛言：「世尊！何因緣故不住是中？」

佛言：「二因緣故，不住是中。何等二？一者、諸道果性空，無住處，亦無所用法，亦無住者；二者、不以少事為足，作是念：『我不應不得須陀洹果，我必應當得須陀洹果，我但不應是中住；乃至辟支佛道，我不應不得，我必應當得，我但不應是中住。乃至得阿耨多羅三藐三菩提，不應住。何以故？我從初發意已來，更無餘心，一心向阿（706b）耨多羅三藐三菩提。』³⁵

4、了悟無生，共證菩提**(1) 以一心專向，能生菩提道**

須菩提！菩薩一心向阿耨多羅三藐三菩提中，³⁶遠離餘心，所作身、口、意業皆應阿耨多羅三藐三菩提。

³⁰ [是] — 【石】。(大正 25, 706d, n.3)

³¹ [所] — 【宋】【元】【明】【宮】。(大正 25, 706d, n.4)

³² 《大般若波羅蜜多經》卷 476 〈80 道土品〉：「善現！是菩薩摩訶薩安住般若波羅蜜多，方便善巧教誡教授諸有情時，行菩薩道無所執著。所以者何？一切法性不應執著，若能執著、若所執著、執時、執處皆無自性，以一切法自性空故。」(大正 7, 410c11-15)

³³ 《大般若波羅蜜多經》卷 476 〈80 道土品〉：「如是，善現！諸菩薩摩訶薩如是修行菩薩道時，於一切法都無所住，以無所住而為方便，雖行布施波羅蜜多乃至般若波羅蜜多，而於其中都無所住。」(大正 7, 410c15-19)

³⁴ 《大般若波羅蜜多經》卷 476 〈80 道土品〉：「雖行預流果乃至獨覺菩提，而於其中都無所住。」(大正 7, 411a5-6)

³⁵ 《大般若波羅蜜多經》卷 476 〈80 道土品〉：

善現當知！諸菩薩摩訶薩雖能得預流果乃至獨覺菩提，而於其中不欲證住。所以者何？有二緣故。何等為二？一者、彼果都無自性，能住、所住俱不可得。二者、於彼不生喜足，是故於中不欲證住。謂諸菩薩常作是念：「我定應得預流果乃至獨覺菩提，不應不得，然於其中不應證住。所以者何？我從初發無上正等菩提心來，於一切時更無餘想，唯求無上正等菩提。然我定當證得無上正等菩提，豈於中間應住餘果？」(大正 7, 411a11-20)

³⁶ 《大品經義疏》卷 10：

「一心得菩提」下，第四、明菩薩及眾生了悟皆住菩提也。(正新續藏 24, 335a21-22)

須菩提！是菩薩摩訶薩住是一心，能生菩提道。」³⁷

(2) 雖諸法無生，愍眾生不知故起菩提道

須菩提白佛言：「世尊！若一切諸法不生，云何菩薩摩訶薩能生菩提道？」

佛告須菩提：「如是！如是！一切法無生。云何無生？無所作、無所起者，一切法不生故。」

須菩提白佛言：「世尊！有佛、無佛，諸法法相不常住耶？」

佛言：「如是！如是！有佛、無佛，是諸法法相常住。以眾生不知是法住法相，為是故，菩薩摩訶薩為眾生故生菩提道，用是道拔出眾生生死。」

(3) 道與菩提，不一亦不異

A、用生道等三句³⁸不得菩提

須菩提白佛言：「世尊！用生道得菩提？」

佛言：「不也！」

「世尊！用不生道得菩提？」

佛言：「不也！」

「世尊！用不生非不生道得菩提？」

佛言：「不也！」³⁹

B、明因果不異

須菩提言：「世尊！云何當得菩提？」

佛言：「非用道得菩提，亦不用非道得菩提。須菩提！菩提即是道，道即是菩提。」

C、破不異難

(A) 須菩提難

須菩提白佛言：「世尊！若菩提即是道、道即是菩提者，今菩薩未作佛⁴⁰，應當

³⁷ 《大般若波羅蜜多經》卷 476〈80 道土品〉：「善現！是菩薩摩訶薩專求無上正等菩提，於一切時心無散亂；諸有發起身、語、意業，無不皆與菩提心俱。善現！是菩薩摩訶薩住菩提心，起菩提道，不為餘事擾亂其心。」（大正 7，411a24-28）

³⁸ 案：此處經文部分（《大智度論》卷 92〈82 淨佛國土品〉（大正 25，706b12-15））只提三句不得菩提，而論文釋經部分（《大智度論》卷 92〈82 淨佛國土品〉（大正 25，707c25-708a4））則說四句不得菩提。

³⁹ (1)《放光般若經》卷 19〈82 建立品〉：

須菩提言：「世尊！以生道意故，得道耶？」佛言：「不也！」

「不生道意得耶？」佛言：「不也！」

「亦從不生不滅得耶？」佛言：「不也！」（大正 8，135c26-29）

(2)《大般若波羅蜜多經》(第二分)卷 476〈80 道土品〉：

具壽善現復白佛言：「諸菩薩摩訶薩為用生道得菩提耶？」佛言：「不也！」

「世尊！為用不生道得菩提耶？」佛言：「不也！」

「世尊！為用生不生道得菩提耶？」佛言：「不也！」

「世尊！為用非生非不生道得菩提耶？」佛言：「不也！」（大正 7，411b8-13）

(3)另參見《大般若波羅蜜多經》(第三分)卷 535〈30 佛國品〉(大正 7，749b24-28)，與第二分同樣提到四句分別（生道、不生道、生不生道、非生非不生道）。

得阿耨多羅三藐三菩提！

云何說諸佛、多陀阿伽度、阿羅呵、三藐三佛陀⁴¹有三十二相、八十隨形好、十力、四無所畏、四無礙智、十八不共法、大慈大悲？」⁴²

(B) 佛答

a、總相答：破人法異見

佛告須菩提：「於汝意云何？佛得菩提不？」

「不也！世尊！佛不得菩提。何以故？佛即是菩提，菩提即是佛。」⁴³

b、破因果不異

「如須菩提所問：『菩薩時亦應得菩提！』

須菩提！是菩薩摩訶薩具足六波羅蜜、三十七助道法，具足佛十力、四無所畏、四無礙智、十八不共法，具足住如金剛三昧，用一念相應慧得阿耨多羅三藐三菩提，是⁴⁴時名為（706c）佛，一切法中⁴⁵得自在。」⁴⁶

二、淨佛國土⁴⁷

(一) 明淨土因

1、明無惡因

⁴⁰ 佛+（時）【宋】【元】【明】【宮】。（大正 25，706d，n.5）

⁴¹ (1) 《一切經音義》卷 27：「多陀阿伽度（tathāgata），怛他揭多，云如來也。阿羅訶（arhat），阿羅漢，此云應也。三藐三佛陀（samyaksambuddha），此云正等覺。」（大正 54，484b16-18）

(2) 佛十種名號，參見《大智度論》卷 2〈1 序品〉（大正 25，71b13-73a5）、卷 21〈1 序品〉（大正 25，219b2-c8）

⁴² 《大般若波羅蜜多經》卷 476〈80 道土品〉：

具壽善現復白佛言：「若菩提即是道，道即是菩提者，豈不菩薩摩訶薩已得菩提道，應已得菩提？若爾，如來、應、正等覺何緣復為諸菩薩說如來十力、四無所畏、四無礙解、大慈、大悲、大喜、大捨、十八佛不共法、三十二相、八十隨好及餘無量無邊佛法，令其修證？」（大正 7，411b15-21）

⁴³ 《大般若波羅蜜多經》卷 476〈80 道土品〉：

佛告善現：「於意云何？汝豈謂佛得菩提耶？」

善現對曰：「不也！世尊！所以者何？佛即是菩提，菩提即是佛故，不應謂佛得菩提。」（大正 7，411b21-24）

⁴⁴ [是]—【石】。（大正 25，706d，n.6）

⁴⁵ 中+（是）【石】。（大正 25，706d，n.7）

⁴⁶ 《大般若波羅蜜多經》卷 476〈80 道土品〉：

佛告善現：「如是！如是！然汝所問「豈不菩薩摩訶薩已得菩提道，應已得菩提」者，善現！諸菩薩摩訶薩修菩提道未得圓滿，云何可說已得菩提？善現當知！諸菩薩摩訶薩若已圓滿布施波羅蜜多乃至般若波羅蜜多，……若已圓滿一切智、道相智、一切相智，若已圓滿諸餘無量無邊佛法，從此無間以一剎那金剛喻定相應妙慧，永斷一切二障龐重習氣相續^{*}，證得無上正等菩提，乃名如來、應、正等覺，於一切法得大自在，盡未來際饒益有情。（大正 7，411b24-c13）※案：「永斷一切二障龐重習氣相續」，參見《大般若波羅蜜多經》卷 535〈30 佛國品〉：「從此無間，用一剎那金剛喻定相應般若，永斷一切煩惱、所知二障龐重習氣相續，證得無上正等菩提。」（大正 7，749c16-18）

⁴⁷ 《大品經義疏》卷 10：

「白佛：云何淨土」，第二、明淨佛土。文為二：初、明淨土因，二、明淨土果。因中有二：初、明無惡因，二、明有善因。（正新續藏 24，335c3-4）

(1) 略標：無三業障惡

須菩提白佛言：「世尊！云何菩薩摩訶薩淨佛國土？」

佛言：「有菩薩從初發意已來，自除身龐業、除口龐業、除意龐業，亦淨他人身、口、意龐業。」

(2) 別釋龐業相

A、須菩提問

「世尊！何等是菩薩摩訶薩身龐業、口龐業、意龐業？」

B、佛答

(A) 十不善業

佛告須菩提：「不善業——若殺生乃至邪見，是名菩薩摩訶薩身、口、意龐業。」

(B) 六蔽心

復次，須菩提！慳貪心、破戒心、瞋心、懈怠心、亂心、愚癡心，是名菩薩意龐業。

(C) 戒不淨

復次，戒不淨，是名菩薩身、口龐業。

(D) 隨世間心——遠離出世之觀行

復次，須菩提！若菩薩⁴⁸遠離四念處行，是名菩薩龐業；遠離四正勤、四如意足、五根、五力、七覺分、八聖道分，空三昧、無相、無作三昧，亦名菩薩龐業。

(E) 貪二乘果

復次，須菩提！菩薩摩訶薩貪須陀洹果⁴⁹，乃至貪阿羅漢果證、辟支佛道，是名菩薩摩訶薩龐業。」

【論】⁵⁰釋曰：

壹、以方便力故具足菩薩道，能得佛道、度眾生（承上卷 91〈81 釋照明品〉）

貳、明二種要行：成就眾生，淨佛國土（承上卷 91〈81 釋照明品〉）

(壹) 略明（承上卷 91〈81 釋照明品〉）

(貳) 廣明（承上卷 91〈81 釋照明品〉）

一、成就眾生（承上卷 91〈81 釋照明品〉）

(一) 正明成就眾生（承上卷 91〈81 釋照明品〉）

(二) 菩薩自住勝道，教眾生無住，共證菩提

1、菩薩自住勝道

(1) 明菩薩所行道

A、須菩提心念

(A) 釋須菩提心念問法而不發言之原因

⁴⁸ 薩+（摩訶薩）【石】。（大正 25，706d，n.8）

⁴⁹ 果+（證）【元】【明】【石】。（大正 25，706d，n.9）

⁵⁰ 【論】—【宋】【宮】。（大正 25，706d，n.10）

a、不令眾疑自證無戲論法猶復多問

上來須菩提常種種問空法，以時會疑其已⁵¹體寂滅無戲論法猶復多問，是以不問而心念。

b、欲利益好禪定而不好語言者

復次，有菩薩及諸天深入禪定，不好語言而欲得法利，是故須菩提不發言而心念。

(B) 釋佛以言答之理由

問曰：須菩提雖無言，而世尊以言答？

答曰：

a、雖語而不妨細禪定行

佛身色，視無厭足⁵²；如色無厭，聲亦如是，雖語而不妨細禪定行，是故佛以言答。

b、佛自住於寂滅，隨眾生所問、所念而答

復次，佛安立寂滅相，於阿耨多羅三藐三菩提中住，不分別一切法若善、若不善等；眾生有疑而問，佛隨所問、所念而答，是故不與須菩提同。

B、正明經意**(A) 須菩提問**

須菩提聞是六波羅蜜等諸法甚深義，不能得其邊，是故問：「何等是菩薩道？行是道，如清淨無⁵³所著六波羅蜜等諸善法莊嚴？」

(B) 佛答**a、生身菩薩所行****(a) 總說**

佛知其意，於須菩提(707a) 所益雖少，為增益諸菩薩故，答「六波羅蜜等是菩薩道」。

(b) 別辨**I、就所行之法****(I) 第一辨**

六波羅蜜是菩薩初發心道；

次行四禪、八背捨、九次第定及三十七道品，⁵⁴但求涅槃；

十八空、佛十力等微細，但為求佛道。

⁵¹ (1)《大正藏》原作「已」，底本《高麗藏》(第 14 冊，1305c-20) 作「已」，《中華大藏經》(第 26 冊，587c20) 亦作「已」，印順法師，《大智度論》(標點本)，p.3446 作「已」。

(2) 案：「已」宜作「已」，形近而誤。又「已」、「已」同源，二字通用。順今人習慣，原文依印順法師，《大智度論》(標點本)，p.3446 作「已」。

⁵² 厥足：滿足。(《漢語大詞典》(一)，p.942)

⁵³ 無+ (無)【宋】【元】【明】【宮】。(大正 25，706d，n.11)

⁵⁴ 道品=品道【宋】【元】【明】【宮】【石】。(大正 25，707d，n.1)

(II) 第二辨

六波羅蜜道，多為眾生故；
三十七品等，但求涅槃；
十八空等，於涅槃中出過聲聞、辟支佛地，入菩薩位道。

II、就所行之人

是三種⁵⁵，皆是生身菩薩所行。所以者何？分別諸法故。

b、法身菩薩所行——遍一切法

今又「一切法皆是菩薩道」，是⁵⁶法性生身菩薩所行，不見諸法有好惡，安立諸法平等相故。

此中佛自說因緣：「菩薩應學一切法，若一法不學，則不能得一切種智。」

「學一切法」者，用一切種門，思惟、籌量、修觀、通達。

(2) 菩薩住空無戲論道，為眾生故分別諸法

A、須菩提問

須菩提白佛⁵⁷：「若一切法一相，所謂空，云何菩薩學一切法？將無於無戲論相法中作戲論耶？所謂此彼諸法。」

略說是「戲論相」：此東、彼西，是上、是下，是常、是無常，是實、是虛⁵⁸，是世間、是出世間，乃至是二乘法、是佛法。

B、佛答

(A) 佛印可：以諸法空故，能得無上道

佛可具⁵⁹說：一切法空相。

若法實定有不空者，即是無生無滅，無生無滅故無四諦，⁶⁰無四諦故無佛、法⁶¹、

⁵⁵ 三種：指六波羅蜜道、三十七品等、十八空等。

⁵⁶ [是]—【石】。(大正 25, 707d, n.2)

⁵⁷ 佛+（言）【石】。(大正 25, 707d, n.3)

⁵⁸ 虛=空【宋】【元】【明】【宮】。(大正 25, 707d, n.4)

⁵⁹ 具=其【宋】【元】【明】【宮】【石】。(大正 25, 707d, n.5)

⁶⁰ 參見《中論》卷 4 〈24 觀四諦品〉(青目釋)：

「若一切不空，則無有生滅，如是則無有，四聖諦之法。」

若一切法各各有性不空者，則無有生滅；無生滅故，則無四聖諦法。何以故？

「苦不從緣生，云何當有苦，無常是苦義，定性無無常。」

苦不從緣生故則無苦。何以故？經說「無常是苦義」，若苦有定性，云何有無常？以不捨自性故。復次，

「若苦有定性，何故從集生，是故無有集，以破空義故。」

若苦有定性者，則不應更生，先已有故。若爾者，則無集諦，以壞空義故。復次，

「苦若有定性，則不應有滅，汝著定性故，即破於滅諦。」

苦若有定性者，則不應滅。何以故？性則無滅故。復次，

「苦若有定性，則無有修道，若道可修習，即無有定性。」

法若定有，則無有修道。何以故？若法實者則是常，常則不可增益；若道可修，道則無有定性。(大正 30, 33b23-c15)

⁶¹ 法=寶【宮】【石】。(大正 25, 707d, n.6)

僧寶，⁶²如是三寶等諸法皆壞。

今諸法實空，乃至空相亦空；眾生愚癡顛倒故著。

是故於眾生中起悲心，欲拔出故，求佛身力；欲令眾生信受其語，捨顛倒，入諸法實相。

(B) 釋義：眾生不知空故，菩薩巧為說

是故菩薩雖知諸法空，而為利益眾生分別說；

若眾生自知諸法空，菩薩但自住空相中，不須學分別一切法。

2、菩薩照明勝妙道

菩薩行菩薩道時，從初發意已⁶³來，如是思惟：「一切法無定實性，但從因緣和合起；是眾因緣亦各各（707b）從和合起，乃至到畢竟空。畢竟空唯是一法實；餘者無性，故皆虛誑。我從無始世來，著是虛誑法，於六道中厭⁶⁴受苦惱。我今是三世⁶⁵十方佛子，般若是我母，今不應復隨逐虛誑法⁶⁶。」是故菩薩乃至畢竟空中亦不著，何況餘法，所謂檀波羅蜜等！

爾時，菩薩照明菩薩道，其心安隱，自念：「我但斷著心，道自然至。」

3、悲濟眾生無住著

(1) 學一切法，觀眾生心行

A、空法難信，為度眾生故廣學一切法

知是事已，念眾生深⁶⁷著世間，而畢竟空亦空、無性、無有住處，眾生難可信受。

為令眾生信受是法故，學一切法，修行生起是度眾生方便法。

B、以眾生所著無實故易度

(A) 正明

a、辨義

觀眾生心行所趣⁶⁸，知好何法、念何事、何⁶⁹所志願。

觀時，悉知眾生所著處皆是虛誑顛倒，憶想分別故著，無有根本實事。

爾時，菩薩大歡喜，作是念：「眾生易度耳！所以者何？眾生所著皆是虛誑無實。」

⁶² 《中論》卷 4 〈24 觀四諦品〉(青目釋)：

「無四聖諦故，亦無有法寶；無法寶、僧寶，云何有佛寶？」

行四聖諦得涅槃法，若無四諦則無法寶，若無二寶云何當有佛寶？汝以如是因緣，說諸法定性，則壞三寶。(大正 30, 34a13-17)

⁶³ 已=以【石】。(大正 25, 707d, n.7)

⁶⁴ 厥：3.謂飽嘗，充分經受。(《漢語大詞典》(一), p.941)

⁶⁵ 三世+ (中)【宮】。(大正 25, 707d, n.8)

⁶⁶ [法] - 【宋】【宮】。(大正 25, 707d, n.9)

⁶⁷ 深=染【元】【明】。(大正 25, 707d, n.10)

⁶⁸ 趣=起【宋】【宮】。(大正 25, 707d, n.11)

⁶⁹ [何] - 【宋】【元】【明】【宮】。(大正 25, 707d, n.12)

b、舉喻：如小兒不淨中戲

譬如人有一子，喜在不淨中戲，聚土為穀⁷⁰，以草木為鳥獸，而生愛著；人有奪者，瞋恚啼哭。其父知已，此子今雖愛著，此事易離耳，小⁷¹大自休。何以故？此物非真故。

c、合法

菩薩亦如是，觀眾生愛著不淨臭身及五欲是無常，種種苦因，知是眾生得信等五善根成就時，即能捨離。

(B) 反成

a、舉喻

若小兒所著實是真物，雖復年至百歲，著之轉深，不可得捨；

b、明理

若眾生所著之⁷²物定實有者，雖得信等五根，著之轉深，亦不能離。

(C) 結釋

以諸法皆空、虛誑不實故，得無漏清淨智慧眼時，即能遠離所著，大自慚愧；譬如狂病，所作非法，醒悟之後，羞慚無顏。

(2) 教化眾生莫執著，自亦無住著

A、方便示導眾生行菩薩道亦莫執著

菩薩知眾生易度已，安住般若中，以方便力教化眾生：「汝等當行布施，(707c)可得饒財，莫恃是布施果報而自憍⁷³高！此中無有堅實，皆當破壞，與未布施時無異。」

持戒等乃至十八不共法，亦如是。

「是諸法雖清淨、大有所益，皆是有為法，從因緣生，無有自性；汝等若著是法，能生苦惱。」

譬如熱金丸，雖是寶物，捉則燒手。

B、行道得果亦不住

(A) 正明

如是菩薩教化眾生行菩薩道，自無所著，亦為眾生說無所著。

以無著心行檀波羅蜜故，於檀中不住。

「不住」者，所謂布施時不取三種相，亦不著果報而自高生罪業，布施果報滅壞時亦不生惱。

尸羅⁷⁴波羅蜜乃至阿耨多羅三藐三菩提，亦如是。

⁷⁰ 穀=穀【石】。(大正 25, 707d, n.13)

⁷¹ (1) 小=以【宋】。(大正 25, 707d, n.14)

(2) 小：8. 稍，略。(《漢語大詞典》(二), p.1585)

⁷² [之]—【宋】【元】【明】【宮】。(大正 25, 707d, n.15)

⁷³ 慶(ㄔ一ㄤ): 1. 同“驕”。驕傲，驕矜。(《漢語大詞典》(七), p.738)

⁷⁴ [羅]—【石】。(大正 25, 707d, n.16)

(B) 釋不住因緣

此中佛自說不住因緣有二⁷⁵種：一者、菩薩深入空，不見諸法性，故不住；二者、不以小事為足，故不住。

4、了悟無生，共證菩提**(1) 以一心專向，能生菩提道**

是菩薩無有異心，但一向能生菩提道。

(2) 雖諸法無生，愍眾生不知故起菩提道

須菩提白佛：「若一切法無生，云何菩薩能生菩提道？」

佛可須菩提意：「一切法無生，我實處處說諸法無生，非為凡夫說，但為得無作解脫、不起三種業者說。」

復問：「世尊！佛自說：『有佛、無佛，諸法法相常住。』如聖人法相空，凡夫⁷⁶亦如是！」

佛可其所說，諸法實相常住，以眾生不知不解故，起菩提道。

但為除凡夫顛倒法，故名為「道」；若決定有道可著者，即復是顛倒。道、非道平等即是「道」，是故不應難！

(3) 道與菩提，不一亦不異**A、用生道等四句不得菩提****(A) 用生道不能得菩提**

須菩提復問：「云何可得菩提？用生道故得耶？」

佛言：「不也！」

何以故？「生道」者，菩薩觀是有為法生滅相謂是實，是故言⁷⁷「不」。如先說熱金丸喻。⁷⁸

(B) 用不生道不能得菩提

不生法即是無為，無作法故，亦不可以得菩提。

(C) 用生不生道不能得菩提

「生不生」，二俱有過故。⁷⁹

(D) 用非生非不生道不能得菩提

「非生非不生（708a）得菩提耶？」

答言：「不也！」

⁷⁵ 二=三【石】。(大正 25, 707d, n.17)

⁷⁶ 夫=人【宋】【元】【明】【宮】【石】。(大正 25, 707d, n.18)

⁷⁷ [言]—【宋】【元】【明】【宮】。(大正 25, 707d, n.19)

⁷⁸ 《正觀》(6), p.215 :《大智度論》卷 92 (大正 25, 707c6-7)、卷 10 (大正 25, 132b25-27)、卷 37 (大正 25, 332b17-20)、卷 42 (大正 25, 367c15-16)。

⁷⁹ 案：《摩訶般若波羅蜜經》缺「生不生道可得菩提耶」之經文。

※ 因論生論：云何「非生非不生」不得菩提

問曰：若「生不生」二俱有過，「非生非不生」復⁸⁰不應有過，何以言「不得」？

答曰：若分別「非生非不生」是好、是醜，取相生著故，故言有過；若能不著，則是菩提道。

B、明因果不異

(A) 舉經

須菩提問：「若不以四句得者，云何得道？」

佛答：「不以道、不以非道，則得菩提。」何以故？「菩提即是道，道即是菩提。」

(B) 釋義

「菩提」名「諸法實相」，是諸佛所得究竟實相，無有變異。

一切法入菩提中，皆寂滅相；如一切水入大海，同為一味。是故佛說：「菩提性即是道性。」

若菩提性、道性異者，不名菩提為無戲論寂滅相，是故說：「菩提即是道，道即是菩提。」

復次，是二法異者，行道不應到菩提——諸法因果，不一不異故。

C、破不異難

(A) 須菩提難

a、明所難之意

(a) 若道即是菩提，則菩薩應是佛

須菩提復問：「若爾者，菩薩行道應便是佛！」所以者何？道即是菩提故。

(b) 若菩提即是道，則佛應是菩薩

又佛應是菩薩！何以故？菩提即是道故。今何以說有差別——佛有十力等、三十二相、八十隨形好？

b、為新學菩薩故舉難

須菩提為新學菩薩故，分別難佛：「菩薩應即是佛！」

(B) 佛答

a、總相答：破人法異見

佛以反問答：「佛得菩提不？」

答言：「不也！何以故？菩提不離佛、佛不離菩提；二法和合故，是佛、是菩提。」

是故不應難言「菩薩即是佛」。

此總相答。

※ 因論生論：論人法不異

問曰：「佛」是眾生，「菩提」是法，云何言「佛即是菩提」？

⁸⁰ [復] — 【石】。(大正 25, 708d, n.1)

答曰：先有三十二相莊嚴身、六波羅蜜等功德莊嚴心，而不名為「佛」；得「菩提」故，名之為佛。是故言：「佛與菩提不異。」

微妙清淨五眾和合假名為「佛」，法即是五眾，五眾不離假名，「菩提」即是五眾實相，一切法皆入菩提故。是故「佛即是菩提、菩提即是佛」，但凡夫心中分別有異。

※ 因論生論：一異雖皆不實而多用一

問（708b）曰：汝⁸¹先論議中說言「菩提與道不一不異」，⁸²經中何以說「道即是菩提，菩提即是道」，「佛即是菩提，菩提即是佛」？

答曰：

（a）著心少故多用一

「一」、「異」雖俱不實而多用「一」，故此中說「菩提即是道，道即是菩提」，無咎！

如「常」、「無常」是二邊，「常」多生煩惱故不用，「無常」能破顛倒故多用；事既成辦，亦捨「無常」。

此中亦如是，若以觀種種別異法故多生著心；若觀諸法一相——若無常、苦、空等，是時煩惱不生；著心少故，是故多用是「一」。

於實義中，「一」亦不用；若著「一」，即復是患。

（b）別異無故，一亦不可得

復次，別「異」無故，「一」亦不可得，相待法故；但以不著心，不取一相，故說無咎。「一」不實故，菩薩不得即是佛。

b、破因果不異——圓滿諸功德名為佛

復次，今佛更答須菩提，自說因緣：「菩提雖寂滅相，而菩薩能具足六波羅蜜等諸功德，住金剛三昧，以一念相應慧，得阿耨多羅三藐三菩提。爾時，於一切法中自在，得名為佛。」

菩薩雖知「道」及「菩提」不異，未具足諸功德故，不名為佛。

又佛諸事畢竟，願、行滿足故，不名為菩薩。

得者是「佛」，法是「菩提」，求菩提者是「菩薩」。

二、淨佛國土

（一）明淨土因

1、無惡因

（1）略標：無三業障惡

A、須菩提問——淨佛國土事

須菩提從佛聞菩提相、道相，成就眾生已，今問淨佛國土事。

諸阿羅漢、辟支佛無有力知淨佛國事，是故問。

⁸¹ 汝+（等）【石】。（大正 25，708d，n.2）

⁸² 《正觀》(6)，pp.215-216：參見《大智度論》卷 92（大正 25，708a5-14）。

※ 因論生論：何等是「淨佛土」

問曰：何等是淨佛土？

答曰⁸³：

(A) 釋「佛土」義

「佛土」者，百億日月、百億須彌山、百億四天王等諸天，是名「三千大千世界」。如是等無量無邊三千大千世界，名為「一佛土」。

(B) 為令眾生易度故莊嚴佛土

佛於此中施作佛事，佛常晝三時、夜三時以佛眼遍觀眾生：「誰可種善根？誰善根成就應⁸⁴增長？誰善根成就應得度？」見是已，以神通力隨所見教化。(708c)

眾生心隨逐外緣，得隨意事，則不生瞋惱；得不淨、無常等因緣，則不生貪欲等煩惱；若得無所有、空因緣，則不生癡等諸煩惱。

是故諸菩薩莊嚴佛土，為令眾生易度故。國土中無所乏少，無我心故，則不生慳貪、瞋恚等煩惱。

有佛國土，一切樹木常出諸法實相音聲，所謂無生無滅、無起無作等；眾生但聞是妙音，不聞異聲，眾生利根故，便得諸法實相。

(C) 結

如是等佛⁸⁵土莊嚴，名為「淨佛土」。如《阿彌陀》等諸經中說。

B、佛答

佛答：「菩薩從初發意來，自淨龐身、口、意業，亦教他人淨龐身、口、意業。」

※ 因論生論：三業淨則一切菩薩道淨，自他淨則國土淨

問曰：若菩薩淨佛土，是菩薩得無生法忍、住神通波羅蜜，然後能淨佛土；今何以言「從初發意來，淨龐身、口、意業」？

答曰：三業清淨，非但為淨佛土，一切菩薩道皆淨。

此三業初淨身、口、意業，後為淨佛土。

自身淨，亦淨他人。何以故？非但一人，生國土中者皆共作因緣。

內法與⁸⁶外法作因緣，若善、若不善：

多惡口業故，地生荊棘；詭詬曲心故，地則高下不平；慳貪多故，則水旱不調、地生沙礫。

不作上諸惡故，地則平正，多出珍寶；如彌勒佛出時，人皆行十善故⁸⁷，地多珍寶。⁸⁸

⁸³ [曰] — [石]。(大正 25, 708d, n.3)

⁸⁴ 成就應=成熟【宋】【元】【明】，=熟【宮】，=熟應【石】。(大正 25, 708d, n.4)

⁸⁵ 佛+（國）【石】。(大正 25, 708d, n.5)

⁸⁶ 與：1.給予。(《漢語大詞典》(二), p.159)

⁸⁷ 故+（故）【宋】【元】【明】【宮】。(大正 25, 708d, n.6)

⁸⁸ 彌勒佛出地多金寶。(印順法師，《大智度論筆記》[H027] p.421)

※因論生論：淨三業則攝一切善法故，但說「淨三業」

問曰：若布施等諸善法得⁸⁹淨佛土果報，何以但說「淨三業」？

答曰：雖知善惡諸法是苦樂因緣，如一切心、心數法中，得道時智慧為大；攝心中定為大；作業時思為大；得是思業已，起身、口、意⁹⁰業。布施、禪定等，以思為首；譬如縫衣，以針為導。受後世果報時，業力為大。是故說「三業」，則攝(709a)一切善⁹¹法：意業中盡攝一切心、心⁹²數法，身、口則攝一切色法。

人⁹³身行三種，福德具足，則國土清淨。內法淨故，外法亦淨；譬如面淨故，鏡中像亦淨。如《毘摩羅詰⁹⁴經》中說。⁹⁵

不殺生故人皆長壽，如是等。

(2) 別釋龐業相

A、須菩提問

問曰：身、口、意龐業，是事易知，須菩提何以故問？

答曰：龐、細不定故。

如求道人中布施是龐善，於白衣為細。

如小乘中不善業為龐，善業為細；摩訶衍中取善法相，乃至涅槃皆名為龐。以龐、細不定故問。

B、佛答龐業相

(A) 十不善業

佛次第為說龐業相，所謂奪命，乃至邪見。

是三種身業、四種口業、三種意業，皆名為龐。

(B) 六蔽心

復次，破菩薩六波羅蜜法——慳貪等，皆名為龐。

※ 因論生論：釋十不善道與六蔽之別

問曰：先說十不善道，已攝慳貪等，何以復別說？

⁸⁹ 得=則【石】。(大正 25, 708d, n.7)

⁹⁰ [意]—【宋】【元】【明】【宮】。(大正 25, 708d, n.8)

⁹¹ 善=業【宋】【元】【明】【宮】。(大正 25, 709d, n.1)

⁹² [心]—【宋】【元】【明】【宮】。(大正 25, 709d, n.2)

⁹³ 人=入【宋】【元】【明】【宮】。(大正 25, 709d, n.3)

⁹⁴ [詰]—【宋】【宮】。(大正 25, 709d, n.4)

⁹⁵ (1)《維摩詰所說經》卷上〈1 佛國品〉：「如是，寶積！菩薩隨其直心，則能發行；……隨智慧淨，則其心淨；隨其心淨，則一切功德淨。是故，寶積！若菩薩欲得淨土，當淨其心；隨其心淨，則佛土淨。」(大正 14, 538b26-c5)

(2)關於「心淨則土淨」，參見印順法師，《攝大乘論講記》，pp.170-171；印順法師，《佛法概論》，pp.188-189；印順法師，《淨土與禪》，pp.1-5；印順法師，《學佛三要》，pp.17-18、pp.60-61；印順法師，《般若經講記》，pp.68-69；印順法師，《我之宗教觀》，pp.56-57；印順法師，《初期大乘佛教之起源與開展》，p.491；惠敏法師，〈「心淨則佛土淨」之考察〉，《中華佛學學報》第 10 期，pp.25-44。

答曰：是六法不入十不善道，十不善道皆是惱眾生法；是六法不但為惱眾生。

如慳心，但自惜財，不惱眾生。

貪心有二種：一者⁹⁶、但貪他財，未惱眾生；二者、貪心轉盛，求而不得，則⁹⁷欲毀害，是名業道，以能起業故。

瞋心⁹⁸亦如是，小者不名業道，以其能趣⁹⁹惡處故為道。

是故別說六法無咎。

(C) 戒不淨

問曰：六波羅蜜中已說戒¹⁰⁰，今何以復說「戒不淨」？

答曰：「破戒法」是殺生等麁罪。

「戒不淨」是微細罪，不惱眾生；如飲酒等，不入十不善道。

復次，破五眾戒¹⁰¹，名為「破戒」。

不破所受戒，常為三毒覆心，不憶念戒，迴向天福，邪見持戒——如是等，名為「戒不淨」。

(D) 隨世間心——遠離出世之觀行

復次，若菩薩心遠離四念處等三十七品、三解脫門，是名麁業。

所以者何？此中心皆觀實法，隨涅槃、不隨世間；若出四念處等法，心則散亂。

譬（709b）如蛇行本性好曲，若入竹筒¹⁰²則直，出筒還曲。

(E) 貪二乘果

復次，若菩薩貪須陀洹果證，是為麁¹⁰³。

如人聞佛說「須陀洹果，不墮三惡道，盡無量苦，如五十由旬池水；餘在者，如一滴¹⁰⁴、二滴」，¹⁰⁵則生貪心。以其心不牢¹⁰⁶固，本求作佛、為眾生，今為自

⁹⁶ [者] — 【宋】【元】【明】【宮】【石】。(大正 25, 709d, n.5)

⁹⁷ 則=財【宋】【元】【明】。(大正 25, 709d, n.6)

⁹⁸ [心] — 【宋】【元】【明】【宮】。(大正 25, 709d, n.7)

⁹⁹ 趣=起【石】。(大正 25, 709d, n.8)

¹⁰⁰ [戒] — 【宋】【元】【明】【宮】。(大正 25, 709d, n.9)

¹⁰¹ (1) 參見《大智度論》卷 22〈1 序品〉：

五眾戒中除四重戒，犯諸餘重者是名「缺」；犯餘罪是為「破」。(大正 25, 226a2-3)

(2) [唐] 道宣撰，《四分律刪繁補闕行事鈔》卷 2：「五眾戒（即五篇也）。」(大正 40, 88a2-3)

(3) 五篇：為戒律之大科。又作五犯、五犯聚、五眾罪、五種制。即波羅夷（梵 pārājika）、僧殘（梵 samghāvaśeṣa）、波逸提（梵 pāyattika）、波羅提提舍尼（梵 pratideśanīya）、突吉羅（梵 duṣkṛta）。（《佛光大辭典》（二），p.1197.1）

¹⁰² 筒=箆【宋】【元】【明】【宮】【石】。(大正 25, 709d, n.10)

¹⁰³ 麁+（業）【元】【明】【石】。(大正 25, 709d, n.11)

¹⁰⁴ (1) 滴=滴【宋】【元】【明】【宮】。(大正 25, 709d, n.12)

(2) 滴（ㄉ一）：同“滴”。(《漢語大詞典》(五), p.1496)

¹⁰⁵ (1)《雜阿含經》卷 31 (891 經)：

爾時，世尊告諸比丘：「譬如湖池，廣長五十由旬，深亦如是。若有士夫以一毛端滴彼

身而欲取證——是為欺佛，亦負¹⁰⁷眾生，是故名麁。

譬如人請客，欲設飲食而竟不與，是則¹⁰⁸妄語負客。

菩薩亦如是，初發心時作願「我當作佛，度一切眾生」，而貪須陀洹，是則負一切眾生。

如貪須陀洹果，乃至貪辟支佛道亦如是¹⁰⁹。

湖水。云何，比丘！彼湖水為多，為士夫毛端一滴水多？」

比丘白佛：「世尊！士夫毛端尠少耳，湖水無量千萬億倍，不得為比。」

佛告比丘：「具足見真諦，正見具足世尊弟子，見真諦果，正無間等。彼於爾時，已斷、已知，斷其根本；如截多羅樹頭，更不復生。所斷諸苦，甚多無量，如大湖水；所餘之苦，如毛端滴水。」（大正 2，224b12-20）

(2) 另參見《雜阿含經》卷 16 (440 經) (大正 2，113c13-29)，《雜阿含經》卷 5 (109 經) (大正 2，34a24-b3)。

¹⁰⁶ 爛=牟【石】。(大正 25，709d，n.13)

¹⁰⁷ 負：11.背棄，辜負。（《漢語大詞典》(十)，p.62）

¹⁰⁸ 則+（是）【宋】【元】【明】【宮】。(大正 25，709d，n.14)

¹⁰⁹ 如是+（也）【石】。(大正 25，709d，n.15)